

JAMES, THOMAS EVAN ('Thomas ab Ieuan'; 1824 - 1870), gweinidog gyda'r Bedyddwyr ac awdur

Enw: Thomas Evan James
Ffugenw: Thomas ab Ieuan
Dyddiad geni: 1824
Dyddiad marw: 1870
Rhiant: Mary James
Rhiant: Evan James
Rhyw: Gwryw
Galwedigaeth: gweinidog gyda'r Bedyddwyr ac awdur
Maes gweithgaredd: Crefydd; Llenyddiaeth ac Ysgrifennu
Awdur: Griffith Milwyn Griffiths

Ganwyd 17 Mawrth 1824, ym Mhencraig, plwyf Llangoedmor, sir Aberteifi, mab Evan a Mary James. Symudodd y teulu i Aberteifi pan oedd ef tua 13 oed. Bu am beth amser yn was fferm Heolcwm, plwyf Ferwig, Sir Aberteifi. Ymunodd â'r Bedyddwyr, a bu'n gwasanaethu yn anordeiniedig yn eglwys Groesgoch, Sir Benfro (1851-2). Urddwyd ef, a gwnaed ef yn weinidog Pontestyll, ger Aberhonddu (1853-6). Bu hefyd yng Nghwmbach, Aberdâr (1856-8), Castell Nedd (1858-61), a Glyn Nedd (1861-70). Bu farw 21 Mehefin 1870. Ymhlith ei weithiau ceir *Marwnad Joel Jones, gweinidog ym Mhwllheli; Coffadwriaeth y Cyfiawn neu sylwedd pregeth ... or farw Dafydd Jones o Gaerdydd a Stephen Edwards o Rymni; Deigryn ar ol Cyfaill ... John Jones, Merthyr; Cofiant ... James Davies, gweinidog y Bedyddwyr yn Cincinatti, Ohio*. Casglodd a golygodd ddetholiad o farddoniaeth, *Bwrdd y Beirdd yn cynnwys Detholion Prydyddol o waith Prif Feirdd yr Oes*, a golygodd hefyd lyfr yn ar [Christmas Evans](#), sef, *Christmasia neu rai o nodweddiadau ... Christmas Evans, gan Bleddyn (D. Owen, ' Brutus ')*.

Awdur

Griffith Milwyn Griffiths

Ffynonellau

Neillduolion y diweddar Barch. T. E. James, Glynnedd (Treherbert 1875), 1875

Dyddiadur a Llawlyfr Undeb Bedyddwyr Cymru, 1871

Catalogue of Printed Literature in the Welsh Department, Cardiff Free Libraries (1898)

Dolenni Ychwanegol

Wikidata: [Q20734444](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

